

Bringamosa

E SEMINARIO "HENDE MUHE Y SU SALUD" UN EXITO.

En coneccion cu celebracion di Dia Internacional di Hende Muhe 8 di Maart 1998 Ministerio di Salubridad Publico y Asuntunan Social en cooperacion cu Oficina di Asuntunan di Hende Muhe a presenta un seminario dia 15 di Maart na Hyatt Regency Resort den Prikichi room. Topico di e dia aki tabata "Hende Muhe y Su Salud". Pa e seminario aki e invitado di honor tabata Dr. Juergen Eisermann y Dr. Ramon Quesada di Baptist Health System for di Miami. Ministro Lili Beke-Martinez, M.D. a habri e




20 aña, e sa con importante informacion ta. Y ta pesey e ta un experiencia satisfactorio como Ministro di Salubridad Publico pa



seminario aki. Den su discurso Min. Beke a ilustra con importante salud ta, e ta un fundeshi pa cada humano y cu hende homber y hende muhe ta igual pero diferente, nos tin mesun derecho. Ambos por y nos por tuma nos mesun desicionan. Y den e aspecto aki, Minister Beke ta kere cu nos tin, cada un di nos, e derecho exclusivo pa practica nos derecho en coneccion cu nos salud y nos curpa. Cu hende homber y hende muhe lo mester wordo stimula pa tuma nan mesun desicionan cu tur respect pa nos parehanan, nan sintimento y nan necesidadnan. Como hende muhe, na prome lugar, y como Doctor cu un praktijk di casi

ofrece e seminario aki cu temanan di salud. Esaki ta algun puntonan cu Ministro Lili Beke-Martinez, M.D. a trese dilanti den su discurso. E ta ata un dia hopi exitoso y hopi informativo pa tur cu tabata presente. Dr. Quesada a papia di malesanan cardio-

vascular, locual publico presente a hasi nan preguntanan directo. Dr. Juergen Eisermann a papia tocante alternativa di hysterectomy y maneho moderno di menopausa y uso di hormona y technico moderno pa parehanan cu deseo pa tin un famia y no por logra, locual ta un topico cu no ta papia di dje. Locual cu tabata tin hopi interes pè tabata e alternativenan durante menopausa. E dia tabata asina interesante cu tempo no a warda riba nos. E animo tabata masha grandi. Den futuro nos lo bin cu mas di e actividadnan informativo aki, pa asina consentisa nos hende muhe y hende hombernan. Locual nos por remarca, cu tin hopi necesidad pa informacion. Nos ta gradici tur hende cu tabata presente y tur otro cu a coopera cu e dia aki a bira un exito.



WOMEN'S CLUB OF ARUBA april 1998

Mirando bek den tempo, ya ta casi 64 aña pasa cu Women's Club Of Aruba a wordo funda riba iniciativa di e damanan di "Lago Colony" (casanan di e empleadonan di Lago). E tempo ey nan a reparti invitacionan pa un ruenion cu a tuma lugar dia 17 di september 1934 na Lago Clubhuis. Sra. Lloyd G. Smith, casa di Presidente di Lago a yama tur hende bon bini. Por medio di votacion riba e mesun dia a eligi un directiva cu lo bay guia nan Club. 28 di januari 1937 Women's Club of Aruba a wordo acepta oficialmente pa e Federacion General di hende muhe estableci na Washington DC Estados Unidos, cual federacion e tempo ey ya tabata consisti casi 50 aña. Women's Club of Aruba ta conta awe cu un miembrecia di mas di 290 miembro. Pa bira miembro bo mester tin 18 aña pariba y mester recomendacion di 2 miembro y 1 miembro di directiva. Pa mas informacion por yama Sra. Schnog na tel: 824455.

E metanan di Women's Club ta pa traha na bienestar di nos mes y nos comunidad. Ehecuta proyectonan na favor di interes general. Pero tambe pa duna servicio e.o. trabao boluntario na comunidad cu cooperacion di miembronan por medio legal y permissibel. Women's Club of Aruba ta dividi nan trabao door tin diferente comitiva dentro di e club mes, por ehempel tin comision pa preveni Aids cu ta bao guia di Sra. Milagros Posner, comision Save The Earth (Tene Aruba Limpi) bao guia di Ola Mansur,

comision Pa Bienestar di Mucha, bao guia di Ellen Trimon, comision cu ta concientisa abuso di alcohol y droga lo cual ta bao guia di Annelies Steens, comision Salud di Hende Muhe bao guia di Adelaida Ponson, comision cu ta duna home-nahe na studiantenan sobresaliente ta den man di Bernadette Schouten y Marilu de Veer ta guia e comision di Bienestar General. E comision menciona por ultimo aki tin un team di voluntario cu ta percura pa e proyectonan pa nos grandinan, nos handicapnan y esnan menos afortunada. Un proyecto cu a destaca na 1997 tabata e proyecto di "Paptest Gratis" pa tur hende muhe cu a desea di hasi esaki na november 1997. Un total di 653 hende muhe a hasi uso di e oportunidad aki. E directiva di Women's Club ta consisti di Presidente, Lilian Martes, Vice-Presidente Linda Schnog. Terosero, Ann McClain, Secretaria, Aimee Boekhoudt y Irene Klomp-Ravenhorst y demas miembro.

E aña aki Women's Club di Aruba lo duna un total di fls 80.000,00 na comunidad Arubano y pa cumpli cu nan deseo nan ta organisa un Brunch Musical dia 10 di mei, "Dia di Mama" na Wyndham Hotel di 11.00 or pa 15.00 or di atardi. Women's Club Aruba su deseo ta pa un y tur contribui na e brunch aki. Carchinan ta obtenibel cerca Maria-Therese Croes na tel.: 821187.

Nos di Bringamosa ta desea Women's Club di Aruba hopi exito.